



SEMBAH ALU-ALUAN

**YANG BERHORMAT
PEHIN ORANG KAYAPEKERMA LAILA DIRAJA
DATO SERI SETIA AWANG HAJI HAZAIR
BIN HAJI ABDULLAH
MENTERI KEBUDAYAAN, BELIA DAN SUKAN**

**MUSABAQAH TILAWATIL QURAN BELIA ASIA TENGGARA
KALI KE-5 TAHUN 2011
(MALAM PERTAMA)**

**HARI SELASA MALAM RABU,
07 ZULKAEDAH 1432 / 04 OKTOBER 2011
JAM 8.30 MALAM
PUSAT PERSIDANGAN ANTARABANGSA,
BERAKAS**

BISMILLAHIR RAHMANNIR RAHIM
Alhamdulillah Rabbil 'Alamin Wassalatu Wassalamu ala Asyrafil
Mursalin Saidina Muhamaddin Wa'ala Alihi Wasahbihi Ajma'in

ASSALAMU 'ALAIKUM WARAHMATULLAHI WABARAKAATUH

Mengadap Kehadapan Majlis Duli Yang Teramat Mulia, Paduka Seri Pengiran Muda Mahkota Pengiran Muda Haji Al-Muhtadee Billah ibni Kebawah Duli Yang Maha Mulia Paduka Seri Baginda Sultan Haji Hassanah Bolkiah Mu'izzaddin Waddaulah, Menteri Kanan di Jabatan Perdana Menteri.

Dengan penuh hormat dan takzim, hamba Duli Tuanku dan sekalian Ahli Jawatankuasa Kerja Musabaqah Tilawatil Quran Belia-Belia Asia Tenggara Kali Ke-5, menyembahkan setinggi-tinggi menjunjung kasih di atas keberangkatan Duli Tuanku, ke Musabaqah Tilawatil Quran Belia Asia Tenggara Kali Ke-5 Tahun 2011, seterusnya berkenan untuk mengurniakan sabda dan menyempurnakan perasmian Musabaqah pada malam ini.

Keberangkatan Duli Tuanku ini mencerminkan akan keperihatinan Duli Tuanku mengenai dengan pembangunan dan akan pentingnya memantapkan akidah belia belia Islam dengan berpanduan dan penghayatan kepada ajaran ajaran yang terkandung di dalam Al-Quran.

Beribu Ampun,

Musabaqah Tilawatil Quran Belia Asia Tenggara ini akan dapat memberikan dorongan kepada belia-belie Islam untuk mendekatkan diri mereka kepada Al-Quran dan mempelajari isi kandungan yang terdapat didalamnya dengan mendalam. Dalam waktu yang sama Musabaqah Tilawatil Quran Belia Asia Tenggara juga memberikan satu platform ke arah meningkatkan lagi mutu pembacaan Al-Quran di kalangan belia Asia Tenggara dan untuk sampai kepada tahap pencapaian yang lebih tinggi lagi diperingkat antarabangsa.

Musabaqah Tilawatil Quran Belia Asia Tenggara ini adalah juga bertujuan untuk meningkatkan kefahaman dan mengujudkan jaringan kerjasama di kalangan belia Asia Tenggara.

Beribu ampun disembahkan,

Di Musabaqah Tilawatil Quran Belia Asia Tenggara kali ini sebanyak 8 buah negara ASEAN yang akan menyertai yang diwakili oleh 15 orang belia dan beliawanis. Negara negara tersebut ialah Indonesia, Filipna, Kemboja, Malaysia, Myanmar, Singapura, Thailand dan Negara Brunei Darussalam.

Hamba Duli Tuanku bagi pihak Kerajaan Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam dikesempatan ini ingin mengucapkan berbanyak terima kasih kepada pihak Kedutaan-Kedutaan Besar dan Suruhanjaya-Suruhanjaya negara-negara Asia Tenggara ke Negara Brunei Darussalam di atas kerjasama yang diberikan ke arah menjayakan Musabaqah Tilawatil Quran Belia Asia Tenggara Kali Ke-5 ini.

Akhirnya, hamba Duli Tuanku dan bagi pihak Ahli Ahli Jawatankuasa kerja Musabaqah Tilawatil Quran Belia Asia Tenggara Kali Ke-5, dengan penuh hormat dan takzim sekali lagi menyembahkan setinggi-tinggi menjunjung kasih di atas keberangkatan Duli Tuanku ke Majlis Perasmian Musabaqah Tilawatil Quran Belia Asia Tenggara Kali Ke-5 ini. Hamba Duli tuanku menjunjung ampun dan maaf jika terdapat sorok langkah dan tutur kata yang kurang manis yang tidak disenghajakan dalam mengendalikan atur cara keberangkatan Duli Tuanku di Majlis ini.

Hamba Duli Tuanku, menjunjung perkenan bagi menyembahkan menjunjung kasih diatas keberangkatan Paduka Adinda Duli Tuanku, Yang Teramat Mulia Paduka Seri Duli Pengiran Muda 'Abdul Malik dan Hamba Duli Tuanku juga menjunjung perkenan bagi menyembahkan menjunjung kasih diatas

keberangkatan Yang Amat Mulia Pengiran-Pengiran Cheteria;
dan mengucapkan terima kasih diatas kehadiran :

1. Yang Berhormat Menteri-Menteri Kabinet;
2. Yang Berhormat Ahli-Ahli Majlis Mesyuarat;
3. Yang Mulia Timbalan-Timbalan Menteri;
4. Tuan-Tuan Yang Terutama Pesuruhjaya Tinggi dan Duta Besar Ke Negara Brunei Darussalam;
5. Yang Mulia Setiausaha-Setiausaha Tetap;
6. Dif Dif Kehormat; Qari dan Qariah Musabaqah Tilawatil Quran Belia Asia Tenggara, berserta dengan pegawai pegawai pengiring mereka; dan
7. Para Hadirin dan Hadirat yang dihormati sekalian.

Sekian, Wabillahit Taufik Walhidayah Wassalamu'alaikum
Warahmatullahi Wabarakatuh.

Hamba Duli Tuanku menjunjung anugeraha.